

# Bibel fa Kjinja brinj't junt



## De Profeet met Fia



Jeschräwen von: Edward Hughes

Jemolt von: Lazarus

Äwasat von: Ed Zacharias

Toom Pauss jestalt von: E. Frischbutter

De 24. Jeschicht von 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*


Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German


Daut leet goanich goot en Israel. De Kjennich  
un de Kjennijin wullen nuscht von Gott weeten.  
De Menschen horchten uk nich no Gott, un deenden  
Jetzen. Jlewd noch

wäa aun  
Gott?




1

Jo, doa wieren Menschen de Gott deenden. Een  
Dach räd Gott to eent von dee. Hee heet Elia.




2

Elia säd to dän beesen Kjennich Ahab, "Soo secha aus de HAR läft, woat doa kjeen Rääjen ooda Deiw en dise Joaren komen, buta wan ekj doafää bäd." Dit meend eene Hungasch-noot. Gott leet daut beese en Israel nich toch.



3




Aus hee däm Kjennich jewoarnt haud, schekjt Gott Elia no eene stelle Städ oppem Launt. Elia bleef bie eene Rie.

4



Gott leet de Kraujen am Äten brinjen. De Kraujen brochten am Broot un Fleisch, zemorjes un zeowes. Elia drunk Wota von de Rie.

5



Met de Tiet driejrd de Rie ut, wiels daut nich rääjend. Dit wia soo aus

Gott jesajcht haud. Daut wia aulawääjen drieech. Oppe Stap woss daut nich. Menschen hungaden. Veleicht haft Elia jewundat waut am woaren wudd, onen Wota.

6



Gott säd to Elia, "Sto mol opp un go no Zarpot, un läw doa. Doa hab ekj eene Wätfru jesajcht, see saul fa die sorjen." Gott wist waut sien Deena fäld,

oba dit wia doch waut framdet.

7



Elia jehorcht Gott, un aus hee no Zarpot kjeem, sach hee de Wätfru buta de Staut Brenholt toopläsen.

8

"Brinj mie bitscheen en Kuffel met een bät Wota," säd Elia to de Fru. "Brinj mie uk een bät Broot." De Fru säd,



9


"Ekj hab kjeen Broot. Ekj hab mau eene Haunt voll Mäl, un een kjlienbät Eelj enne Kruck."

Daut jinkj ar schljacht, oba see säd däm Profeet, daut wan see daut ut hauden, musten see un äa Sän doot-hungren.



10


"Enjst die nich. Moak mie ieescht een Brootje, un dan moak uk fa die un dien Sän," säd Elia. "Daut Mäl woat nich aula woaren, un de Eelj uk nich, bat de HAR räajen oppe Ieed schekjt." Gott wudd motten een Wunda doonen, daut daut wudd woaren, un hee deed! De Fru un äa Sän hauden emma wada to äten, un daut Mäl wort nich aula un de Eelj rand nich ut.



11

Elia wond met an. Dan kjeem een truaja Dach aus de Fru äa Sän storf. Elia druach däm Jung sien Kjarpa no eene Bowa-stow.

Hee roopt däm HARN un bäd, "HAR, mien Gott, lot dit Kjint sien Läwen wada trigj komen." Daut wia een jewoagdet Jebäd.



12


De HAR hieed Elia sien Jebäd un daut Kjint sien Läwen kjeem trigj en am nenn, un hee vehold sikj.

Un Elia jeef de Fru äaren Sän trigj. Un see säd, "Nu weet ekj, daut daut Wuat, woont du vom HARN sajchst, de Waarheit es."




13

Dree Joa lota schekjt Gott Elia trigj nom Kjennich. Hee säd, "Ekj woa daut räajnen loten oppe Ieed."




14

Hee sull no Ahab gonen!! Däm siene Fru, Isebel, haud loten 100 von Gott siene Profeeten doot moaken. Oba Elia deed daut. Hee jinkj no Kjennich Ahab.




15

Aus dee beid sikj troffen, säd Elia, Ahab sull daut gaunse Israel un de 850 faulsche Profeeten toop roopen oppem Karmel Boajch. Elia säd to daut Volkj, "Wan de HAR jun Gott es, dan deent am."




16

Elia leet twee Rinda reed moaken to een Opfa. Dee sullen nich met Fia aunjestekjt. "Roopt jie june Jetzen aun, un ekj woä däm HARN sien Nomen roopen," säd Elia, "un dee Gott dee met Fia auntwuaten deit, dee es Gott." Daut gaunse Volkj säd, "Daut es rajcht."



17

De faulsche Profeeten roopten ääre Jetzen von tiedich bat lot. See hupsten un daunsten; see schneeden sikj met Massasch, daut see bladen. Oba doa kjeem kjeen Fia.



18

Elia goot Wota opp daut Holt un Opfa, un bäd, "HAR horch no mie, daut dit Volkj seenen woat, daut du de HAR Gott best." Un doa foll Fia vom HARN, un daut vebrend daut Opfa, daut Holt un uk dän steenanen Aultoa.



19

Aus de Lied daut sagen säden see, "De HAR es Gott." Un Elia säd, "Jriep de faulsche Profeeten. Lot nich eenen wajch-ranen." Elia deed waut Ahab aul lang haud sult doonen. Hee brocht de faulsche Profeeten om.



20

Elia säd toom Kjennich  
daut doa wudd Räjjen  
komen. Boott sagen see  
eene kjiene Wolkj. Daut  
wia dree Joa drieech jewast;  
wudd daut werkjlich  
räajnen?




21

Daut dieed nich  
lang, dan wieren  
doa dunkle Wolkjen  
un Wint, un dan  
räajend daut sea.  
De HAR schekjt än  
Räjjen! Gott weess  
daut Volkj daut Elia  
de Woarheit säd.  
De HAR weess daut  
hee auleen wia de  
woara Gott.



22

Wudd de Kjennich  
Ahab nu Gott deenen,  
un Elia jleewen? Nä! De  
Kjennijin Isebel proowd  
Elia doot to moaken, oba  
hee kjeem wajch. Ahab  
storf tolatst en eenen  
Kjrich, un Isebel wort von  
ääre Deena ut een huaget  
Fensta vom Paulaust  
rut- jeschowen. See  
storf wua see hanfoll.



23



Waut wort  
met Elia? Een Dach  
schekjt Gott eenen fieejen  
Woagen met fieeje Pieed  
en eenen stoakjen Wint, un  
Elia wort nom Himmel  
oppjehowen.

24

### De Profeet met Fia

Eene Jeschicht von en daut Wuat Gottes,  
de Bibel

finjt eena en

1. Kjennichs 17-19; 2. Kjennichs 2

"Wan dien Wuat openboat woat,  
jeft daut Licht." Psalm 119:130

**Gott weet** daut wie schlijchtet jedonen haben, waut  
hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt,  
daut hee fa ons aum Kjriez storf un onse Schult betold.  
**Jesus stunt vom Doot opp** un es trigj nom Himmel  
jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj  
dit to Gott: Leewa Gott, ekj jleew Jesus es fa mie  
jedorwen un daut hee nu wada läft. Komm en mien  
Läwen un vejeff miene Sinden, soo daut ekj nu kaun  
nieet Läwen haben, un noch emol opp emma no die  
komen. Halp mie fa die to läwen aus dien Kjint. Amen.  
Johanes 3:16

**Lass de Bibel un räd jieda Dach met Gott!**